

Gvangjsih Minzcuz Bau

Cawiguenj: Gvangsijh Bouxcuengh Swcigih Minzcuz Cunghgva Swvu Veijvenzvei

Cawjbanh: Gvangsijh Minzcuz Bause

Geiz neix 8 bani

广西民族报 Aenhauh okbanj: CN45-0036

B.2024

Nd.12 Ng.25

Liggaeuq gvapsaenz nienz ndwen' it ngeihhaj Geizsoq: Gungh daih 3651 geiz

《Cunghgoz Gungcanjdangj Lizsij》Gienj Daihsam Cek Gwnz Okbanj Fathengz

Sinhvazse Baekging 12 nyied 22 hauh dien Ginggvaq Dangj-cunghyangh baecin, 《Cunghgoz Gungcanjdangj Lizsij》gienj daihsam cek gwnz Cunghyangh Dangjsij Caeuq Vwnzyen Yenzgiuyen bien haenx, youz Cunghgung Dangjsij Cuzbanjse cingqsiq okbanj, dangngoenz hainduj youq daengx guet fathengz.

Bienraiz 《Cunghgoz Gungcanjdangj Lizsij》gienj daihsam, dwg gaen 《Cunghgoz Gungcanjdangj Lizsij》gienj daih' it, 《Cunghgoz Gungcanjdangj Lizsij》gienj daihngaih le, hangh cwngei yinvu youqgaenj Dangicunghyangh gyau hawj Cunghyangh Dangjsij Caeuq Vwnzyen Yenzgiuyen ndeu. Siz Ginbingz cungsihgi doiq laebdaeb bienraiz cek saw neix gig yawjnaek, lai baez guh bae youqgaenj daej cijdauj gvaq, vih hong bienraiz saw vix mingzbeq fuengyiengq cinjdeng, gunghawj gaenbonj ciuqei.

《Cunghgoz Gungcanjdangj Lizsij》gienj daihsam geiqsij gij lizsij Cunghgoz Gungcanjdangj dai 1978 nienz 12 nyied Cibsam Gaiq Samcung Cienzhohi Dangj daengz 1989 nienz 6 nyied Cibsam Gaiq Seiqcung Cienzhohi Dangj, daihgaiq 42 fanh cih, souloeg mbawsiengq 36 mbaw, cujyau yienh' ok le vunz Cunghgoz Gungcanjdangj aeu Dwng Siujbingz dungzci guh cujyau daiyauj de, doxgiet daiqlingx daengx dangj daengx guet bouxminz gak cuz, haeujlaeg cunggez gij lizsij gingniemh Cungguk moq laebbaenz doxdaeuj, hopheux gijmaz dwg sevei cujyi, baenzlawz hwnqguh sevei cujyi aen gaenbonj vwndiz neix, laebdin Cungguk guetcingz, hag' aeu gij hit gingniemh seiqgyaiq sevei cujyi hwnghat, cauhaeb Dwng Siujbingz lijun, haicauh baenz gij lizsij cincwnz sevei cujyi miz daegsaek Cungguk.

Hong bienraiz cek saw neix dingjmaenh Majgwzsw Lezningz Cuiyi, Mauz Cwzdungh Swhsiengj, Dwng Siujbingz Lijun, “Sam Aen Daiyauj” Swhsiengj Youqgaenj, Gohyoz Fazcanjgvanh, Aen Swhsiengj Sevei Cuiyi Miz Daegsaek Cungguk Seizdaih Moq Siz Ginbingz guh dazyinx, yiemzgek ciuqei sam aen lizsij gezyi dangj daegbied dwg 《Aen Gezyi Cunghgung Cunghyangh Gvendaengz Gij Cingzeik Hungnaek Caeuq Lizsij Gingniemh Bak Bi Buekuh Dangj》, haeujlaeg gvancez doeksaed gij lwnghangj youqgaenj gvendaengz Cunghgoz Gungcanjdangj lizsij Siz Ginbingz cungsihgi caeuq gij gangjah youqgaenj nem cingsaenz bae vah youqgaenj gvendaengz hong dangjsij caeuq vwnzyen, dingjmaenh veizvuz sij-gvanh caeuq dangjsijgvanh cinjdeng, dawz cinj cawjdaez cawjsienq, cawjlouz bonjcaet lizsij hwnghat dangj,

cungfaen supaeu gij cingzeik ceiq moq yenzgiu lizsij dangj caeuq lijun dangj, caenh aeu comz miz cwngei, swhsiengj, yozsuz, sengdoengh guh-doih. Cek saw neix okbanj fathengz, vih roxyiuj cinjdeng lizsij dangj gajgwz hailangh caeuq seizgeiz moq hwnqguh sevei cujyi yendaiva gunghawj le gij vwnzgen cingqsiq miz gienzvi, vih gvancez doeksaed 《Aen Diuzlaeh Hong Hagsib Son' gyauq Dangjsij》, doinyoengx ciengzeiz hagsib son' gyauq dangjsij gunghawj cek sawsonhag giekdaej moq, doiq daengx dangj daengx biengz dungyiz swhsiengj, gietcomz rengz, nyoengxhwnj ceiqheiq buekguh, daezsingi dungxcaiz, caenh' itbouh cienzmienh haeujlaeg gajgwz, aeu gij yendaiva yiengh Cungguk cienzmienh doinyoengx hwnqguh aen guet ak, gij saehnieb hungmbwk minzcuz fukhwng, miz yiyi youqgaenj.

Sanhgyangh: Mbanjdung Gwn Doengceiq Fungcingz Naek

12 nyied 21 hauh, dwg ngoenz doengceiq, Sanhgyangh Duncuz Swciyen Bazgyangh Cin Gveihling Cunh Mbanjnenmaj bae Mbanjluzgwng aen cunh neix guh saehyienh “Yezyej”, guh caij din venz, doxbeij boq venz, guh ceiz, doxcomz gwn ngaiz daengj cizmuz lai yiengh, caezcaemh angqhoh ciet doengceiq. Ndaw doz dwg vunzlai Mbanjdung doxcaez caij din venz.

(Gungh Bujganh Liengz Siumingz ingj)



Denzlinz: “Gyanghongh+” Ginghci Coengh Bouxguhnaz Laisou

“Youq yanghongh ciengx mou, bi ndaej 10 fanh maenz doxhwnj.” Denzlinz Yen Bingzdangz Yang Mauzaujbingz Cunh Mbanjbulouz Niz Wjmingz naeuz, ndaw mbanj youq diegbya, daengx mbanj 73 ranz miz 69 ranz guh “gyanghongh + ginghci”, ciengx mou, gaeq, vaiz, mbej, baengh

guh doengh gij neix youq bakdou ranz ndaej ngaenz baenzmiz.

Bineix doxdaeuj, Denzlinz Yen damqra “gyanghongh + ndaem ciengx” “gyanghongh + canlij yungzhab” “gyanghongh + densangh” vunqsik moq, gyalai roenloh hawj bouxguhnaz baenzmiz. Dajcauh aen mbanj

guhyienh sawqdiemj ginghci yangh-hongh ndaem raetmoenggaex aeu Lucwngz Yauzcuz Yang Funghhou Cunh guh daeuz de, baenz aen mbanj daiqdaez guh ginghci yangh-hongh cujyau ndaem raetmoenggaex. Ding-anh Cin Veimiz Cunh yungh “byaek-haeuxnaz-byaek” roxnauz

“gva-haeuxnaz-byaek” caeuq “hezvei + dieggoek + nungzhu” daengj guenjuh vunqsik, haenqrengz guh aen mbanj guhyienh ginghci canjnieb “gyanghongh +” miz daegsaek ndaem lwgbieng seizcin, byaek geiqciet daengj.

(Vangz Saubiz)